



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-I/25-3-40-260-4/21**

Datum: **28.06.2021. godine**

„Agencija za vodno područje rijeke Save” Sarajevo rješavajući po zahtjevu pravnog lica „HIR” d.o.o. Bužim za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične utjecaje na vode prilikom izvođenja aktivnosti na lokaciji površinskog kopa – kamenoloma na lokalitetu „Ljubijankića brijeg”, općina Bužim, na osnovu člana 139. stav 1. tačke 3. i 10. Zakona o vodama („Sl. novine Federacije BiH”, br. 70/06.) i člana 200. stav (1) Zakona o upravnom postupku („Službene novine Federacije BiH”, br. 2/98 i 49/99), donosi:

RJEŠENJE **o vodnoj dozvoli**

1. Pravnom licu „HIR” d.o.o. Bužim daje se vodna dozvola za ispuštanje oborinskih onečišćenih voda i aktivnosti koje mogu imati specifične utjecaje na vode sa lokacije površinskog kopa na kojem se vrši eksploatacija mineralne sirovine dolomita na lokalitetu „Ljubijankića brijeg”, općina Bužim. Ležište tehničkog građevinskog kamena dolomita zahvata površinu od 1,95 ha i prostire se unutar kontura slijedećih prelomnih tačaka:

Prelomne tačke	X	Y
A	5 580 510	4 993 570
B	5 580 545	4 993 713
C	5 580 667	4 993 713
D	5 580 668	4 993 570

2. Ova vodna dozvola se odnosi isključivo na ispuštanje oborinskih onečišćenih voda i aktivnosti koje mogu imati specifične utjecaje na vode, te ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, vodoprivrede i šumarstva Unsko-sanskog kantona u skladu sa članom 139. stav 2. tačka 1. i 2. Zakona o vodama („Službene novine Federacije BiH” broj 70/06).
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na licu mjesta na površinskom kopu - kamenolomu, pod slijedećim uslovima:
- 3.1. Da u roku važenja ovog Rješenja u skladu sa dostavljenim dinamičkim planom, izvrši izgradnju svih objekata za prikupljanje, transport i tretman oborinskih onečišćenih voda predviđenih po projektnoj dokumentaciji „Glavni projekat - površinski kop dolomita „Ljubijankića brijeg”, Bužim - Snabdijevanje vodom, prikupljanje i zbrinjavanje otpadnih voda, koji je urađen od strane „ES Hydrotechnics” d.o.o. Sarajevo, novembar 2013. godine, revidiran od strane „Euroing” d.o.o. Bihać, marta 2021. godine, a prema planiranoj dinamici radova kako slijedi iz dinamičkog plana:

ODVOD IZ TALOŽNIKA I ZAULJENA KANALIZACIJA – U prvoj godini:

- Zemljani radovi
- Geodetski radovi
- Ostali radovi
- Betonski radovi
- Tesarski radovi
- Montažni radovi
- Završni radovi

KANALI ZA ODVODNJU SA POVRŠINSKOG KOPA – U drugoj godini:

- Zemljani radovi
- Geodetski radovi
- Betonski radovi
- Montažni radovi

TALOŽNIK – Krajem prve i nastavak u drugoj godini:

- Zemljani radovi
- Betonski radovi

- Montažni radovi

- 3.2. Da korisnik objekta „HIR“ d.o.o. Bužim za vrijeme trajanja ove dozvole a nakon izgradnje objekata iz tačke 3.1. ovog rješenja obezbijedi da se oborinske onečišćene, zauljene i zamuljene vode sa prostora površinskog kopa, spremišta maziva i rezervnih dijelova, platoa za pranje mehanizacije i drugih radnih i manipulativnih površina nesmetano sakupljaju i odvođe do objekata predviđenih za tretman oborinskih onečišćenih voda (taložnici, separator ulja i masti), a zatim ovako tretirane vode ispuštaju u recipijent - Babića potok.
- 3.3. Objekte čija je svrha odvođenje i prečišćavanje onečišćenih voda (taložnici, separator ulja i masti, slivnici i rešetke, kanalizaciona mreža) nakon izgradnje, treba redovno održavati i koristiti na način koji će obezbijediti njihovu potpunu ispravnost i funkcionalnost.
- 3.4. Čišćenje i pražnjenje uređaja za tretman otpadne vode, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru koji treba dostaviti u Agenciju. Korisnik je obavezan da redovno vodi dnevnik o pražnjenju i odvozu sadržaja iz taložnika i separatora ulja i masti.
- 3.5. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
- 3.6. Korisnik mora obezbijediti da prečišćene otpadne vode prije ispuštanja u površinske vode moraju da zadovolje granične vrijednosti emisije, prilog (1) iz tabele 1.1. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
- 3.7. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik - recipijent, predvidi izgradnja revizionog šahta - okna za monitoring, shodno članu 19. stav 4. Uredbe o uslovima ispuštanja otpadnih voda u okoliš i sisteme javne kanalizacije.
- 3.8. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.9. Opasni materijal i otpad nastao pri izvođenju radova i eksploatacije mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
4. Da se nakon potpune izgradnje projektom definisanog sistema odvodnje i prečišćavanja oborinskih onečišćenih voda, a tokom važenja ovog rješenja vrši monitoring prečišćene otpadne vode iz okana za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20), te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
5. Vlasnik odnosno korisnik objekta je obavezan vršiti plaćanje posebne vodne naknade za ispuštanje oborinskih onečišćenih voda u skladu sa Zakonom o vodama („Službene novine Federacije BiH“ broj: 70/06.) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“ broj: 92/07, 46/09, 79/01 i 88/12).
6. U periodu važenja ove dozvole, „HIR“ d.o.o. Bužim je dužan provoditi sve mjere i aktivnosti propisane ovim Rješenjem.
7. Ukoliko radom predmetnog objekta dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. U ovoj upravnoj stvari plaćena je upravna pristojba.
9. Prava stečena po ovoj dozvoli ne mogu se prenositi na treća lica.
10. Vodna dozvola se izdaje sa rokom važenja do 19.12.2023. godine u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije objavljene u „Službenim novinama Federacije BiH 26/20 i 96/20“, az uslov za produženje dozvole je realizacija aktivnosti iz dinamičkog plana iz tačke 3.1. u cijelosti.

11. Ova vodna dozvola prestaje da važi ukoliko Investitor u predviđenom roku ne ispuni zahtjev definisan tačkom 3, 5. i 6, ovog Rješenja.
12. Pravno lice se obavezuje da po dobivanju Rješenja o okolinskoj dozvoli za površinski kop – kamenoloma „Ljubijankića brijeg“, isto dostavi nadležnoj Agenciji.
13. Prije isteka važnosti ove dozvole pravno lice je dužno da podnese zahtjev za izdavanje nove vodne dozvole.

O b r a z l o ž e n j e

Zahtjevom bez broja od 07.06.2021. godine, a koji je zaprimljen na protokolu Agencije 10.06.2021. godine investitor „HIR“ d.o.o. Bužim obratio se „Agenciji za vodno područje rijeke Save“ Sarajevo sa zahtjevom za izdavanje vodne dozvole za prikupljanje, transport, tretman i ispuštanje oborinskih onečišćenih voda sa površinskog kopa na kojem se vrši eksploatacija mineralne sirovine dolomita „Ljubijankića brijeg“, općina Bužim.

Uz zahtjev je dostavljena slijedeća dokumentacija:

- Rješenje o izmjenama podataka, broj: 017-0-Reg-21-000230 od 22/04/2021. godine, izdato od strane općinskog suda u Bihaću – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj: 04/1-UPP/1-25049/07 od 07.09.2007. godine, izdato od strane Uprave na indirektno – neizravno oporezivanje Banjaluka - kopija,
- Uvjerjenje o poreznoj registraciji-prepis, izdato od strane Kantonalnog poreznog ureda Bihać od 16.02.2012. godine – ovjerena kopija,
- Rješenje, broj:06-18-7953-UP-1/2010 od 15.09.2011. godine, izdato od strane Ministarstva privrede Unsko-sanskog kantona - kopija,
- Rješenje o vodnoj saglasnosti, broj:UP-I/2-40-536-2/10 od 15.09.2010. godine, izdato od strane Agencije za vodno područje rijeke Save, Sarajevo - kopija,
- Rješenje o vodnoj dozvoli broj: UP-I/25-3-40-560-4/14 od 22.10.2014. godine izdato od strane AVP Sava Sarajevo,
- Saglasnost za priključak na gradski vodovodni sistem JKP „KOMB“ d.o.o. Bužim, broj: 808-08/10 od 25.08.2010. godine,
- Rješenje, UpI broj:06-18-187/09 od 10.02.2010. godine, izdato od strane Federalnog ministarstva energije, rudarstva i industrije - kopija,
- Urbanistička saglasnost broj: 11-23-13047-UP-1/09. od 23.10.2009.godine izdata od strane Ministarstva za građenje, prostorno uređenje i zaštitu okoline, Vlade USK,
- Rješenje kojim se odobrava upotreba izgrađenih rudarskih objekata i postrojenja na površinskom kopu „Ljubijankića brijeg“ izdato od strane Ministarstva privrede Vlade USK, broj: 06-18-10780-UP-1/2015 od 12.11.2015. godine,
- Kopija zahtjeva za izdavanje okolinske dozvole broj: 18/21 od 12.03.2021. godine, podnesenog od strane „HIR“ d.o.o. Bužim, prema Ministarstvu za građenje, prostorno uređenje i zaštitu okoliša Vlade USK,
- Ugovor o poslovnoj saradnji za monitoring otpadnih voda broj 90/13 od 29.10.2013. godine sklopljen sa „Inspekt RGH“ doo Sarajevo,
- Glavni projekat- Površinski kop dolomita „Ljubijankića brijeg“, Bužim; Snabdijevanje vodom, prikupljanje i zbrinjavanje otpadnih voda urađen od strane ES Hydrotechnics d.o.o. Sarajevo, novembar 2013. godine,
- Revizija glavnog projekta „Površinski kop Ljubijankića brijeg“ Bužim broj: REV 07-03/21 od marta 2021. godine, izrađena od strane „Euroing“ doo Bihać,
- Dinamički plan sa predračunom radova – Za glavni projekat snabdijevanja vodom, prikupljanje i zbrinjavanje otpadnih voda sa kopa dolomita „Ljubijankića brijeg“,
- Dokaz o uplati upravne pristojbe.

Pregledom dostavljene dokumentacije i izvršenim uviđajem na terenu, a o čemu je sačinjen i Zapisnik broj: UP-I/25-3-40-260-3/21 od 22.06.2021. godine, konstatovano je slijedeće:

Površinski kop „Ljubijankića brijeg“ nalazi se na području MZ Varoška rijeka, općina Bužim. Površinskom kopu se prilazi sa magistralnog puta Bosanska otoka-Bužim-Velika Kladuša. Eksploataciono polje kamenoloma „Ljubijankića brijeg“ obuhvata površinu od 1,95 ha. Eksploatacija mineralne sirovine vrši se na dvije etaže. Na kopu je primjenjen princip kružnog saobraćaja tj. kamioni ulaze od strane Bužima, utovare mineralnu sirovinu i izlaze na saobraćajnicu koja vodi ka Velikoj Kladuši. Na prostoru površinskog kopa vrši se otkrivka mineralne sirovine, njeno otkopavanje, utovar i prevoz do separacije, proces separacije na kojem se vrši separisanje u frakcije dolomita od $\varnothing$ 0-4 mm, 4-8 mm, 8-16 mm i 16-32 mm. Sanitarne otpadne vode (nastaju u sanitarnom čvoru koji je kontejnerskog tipa) se odvođe do privremenog septika koji prazni lokalno Komunalno preduzeće. Oborinske vode sa otkopnih etaža će se obodnim kanalima odvoditi do mjesta iskopa predviđenog za izradu taložnika.

Objekat je priključen na gradsku vodovodnu mrežu. Investitor je vršio monitoring otpadnih voda (Izvještaj o monitoringu kvaliteta i kvantiteta otpadnih voda lokaliteta eksploatacije i prerade dolomita „HIR“ Bužim, urađen od strane „Inspekt-RHG“ d.o.o. Sarajevo, novembar 2013. godine).

Projektnom dokumentacijom i dinamičkim planom predviđeno je da se oborinske vode sa otkopnih etaža prikupljaju putem obodnih kanala po dnu eksploatacionog polja, a potom disponiraju u taložnike. Ukupna dužina planiranih kanala iznosi „obodni kanal I“ cca 47 m i „obodni kanal II“ cca 48 m. Sa nizvodne strane taložnika predviđen je prelivni kanal putem kojeg će se izbistrena voda odvoditi do sabirnog šahta i dalje putem cjevovoda ispustiti u recipijent - Babića potok. Čišćenje taložnika će se obavljati u njegovoj tačnoj fazi ili mašinskim-mehaničkim uklanjanjem poslije sušenja. Na kamenolomu je planirana izgradnja vodovodne mreže. Investitor je pribavio potrebne saglasnosti za priključak na vodovodni sistem općina Bužim. Zbrinjavanje fekalnih otpadnih voda riješit će se priključkom objekata na vodonepropusnu septičku jamu, bez preljeva. Odvodnja oborinskih voda sa platoa za pranje i parkiranje mehanizacije, planirana je preko slivničke rešetke postavljene neposredno ispred pomenutog prostora. Voda sa slivničke rešetke se odvodi preko sabirnog kolektora i separatora ulja i lakih tečnosti prema projektovanom odvodnom kolektoru. Predviđena je nabavka i ugradnja tipskog separatora ulja i lakih tečnost kapaciteta $Q=3,0$ l/s. Zbrinjavanje izdvojene zauljene komponente kao i sakupljenog ulja u separatoru će se povjeriti ovlaštenim firmama na dalji tretman. Čvrsti otpad iz cijelog kompleksa objekata se skuplja u kontejnere, koje lokalno komunalno preduzeće redovno odnosi na deponiju. Sva upotrijebljena ulja i masti odlagati će se u bačve, koje će biti skladištene u betonsku vodonepropusnu tankvanu. Na ovaj način mogućnost od izlivanja ulja i masti na okolni teren svedena je na minimum. Investitor je sklopio ugovor o poslovnoj saradnji sa firmom „Auto kontakt“ d.o.o. Bužim o vršenju usluga opravke, servisiranja i vanrednih pregleda vozila u svojim pogonima. Odlaganje jalovinskog materijala će se vršiti na pogodnim mjestima na etaži, u okviru eksploatacionog prostora, i isti će se nakon završetka eksploatacije koristiti za rekultivizaciju oštećenog prosora.


Pravno lice se u skladu sa dostavljenim dinamičkim planom obavezalo da će postupiti u skladu sa tehničkim rješenjima iz projektne dokumentacije koja je služila kao podloga za izdavanje vodne dozvole. Na osnovu provedenog postupka konstatuje se da je podnosilac zahtjeva „HIR“ d.o.o. Bužim ispunio minimum uslova za izdavanje vodne dozvole za ispuštanje oborinskih otpadnih voda proizvodnog objekta površinskog kopa-kamenoloma „Ljubijankića brijeg“, općina Bužim, kako je to regulisano članom 115. do člana 118. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 26/20), te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Uplaćeni su i posebni troškovi prema Zaključku ove Agencije broj: UP-I/25-3-40-260-2/21 od 14.06.2021. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja. Žalba se predaje ovom organu neposredno ili preporučenom poštom. Žalba se taksira sa 15,00 KM administrativne takse.

Obrađivač akta: Fuad Mujagić, dipl.inž.

Po ovlaštenju
Rukovodilac sektora za izdavanje
vodnih akata

Haris Ališehović, dipl.inž.građ.

Dostaviti:

- „HIR“ d.o.o. Bužim, 505. Viteške brigade br.11, 77245 Bužim, (prilog - Glavni projekat, Revizija Glavnog projekta),
- AVP Sava, ISV-Vodna knjiga
- Sektor 50
- ⊙ Sektor 40, arhiva
- AVP Sava - Oglasna ploča